

卷十四

癲狂門附

顫振

瘕癥

瘕勞風

不得臥

煩燥

健忘

卷十五

秘結門

大小便不通門

關格

癃閉附遺

不禁辯 小便不通 遺溺 小便不禁 溺赤 脫肛截

前陰諸疾

疝門

赤水玄珠全集

赤水玄珠第十四卷目錄

癲狂癰門

顫振

瘰癧

瘰癧門

不得臥

附多臥

煩躁

健忘

赤水玄珠第十四卷

新安生生子孫一奎著輯

癲狂癇門此三證大旨已於醫旨緒餘中詳言之矣當參看

生生子曰靈樞云癲癇癢癢不知所苦兩躄之下男陽女陰後人以癲癇爲一門者迹此

也又曰暴攣癇眩足不任身取天柱後人言風癇者迹此也

明癲症

書云多喜爲癲多怒爲狂難經謂重陰者癲重陽者狂

素問厥論篇曰陽明之厥則癲疾欲走呼腹滿不得臥面赤而熱妄見而妄言長刺節論篇曰病之初也歲一發不治月一發不治月四五發名曰癲病又通評虛實論篇曰癲疾厥狂久逆之所生也脉搏大滑久自己小堅急死不治虛可治實則死

靈樞癲狂篇曰癲疾始生先不樂頭重病視舉目赤甚則極已而煩心啼呼喘悸先反僵因而脊痛又有骨癲筋癲脉癲嘔多沃沫氣下泄者不治又曰癲疾者疾發如狂者死不治據此言如發癲狂者死不治可見癲狂非一病也

素問奇病論篇黃帝曰人生而有病癲疾者病名何安所得之岐伯曰病名爲胎病此得之在母腹中時其母有所大驚氣上而不下精氣并居故令子發爲癲疾啓玄子註曰癲謂上癲即頭首也

綱目曰以其病在頭巔故曰巔疾治之者或吐痰而就高越之或鎮墜痰而從高抑

之或內消其痰邪使氣不逆或隨風寒暑濕之法用輕劑發散上焦或針灸頭中脉絡而導其氣皆可使頭巔脉道流通孔竅開發而不致昏眩也是知癩癰之癩與厥成癩疾眩冒癩疾之癩一疾也王註悞分癩爲二疾獨孫真人始能一之今特冠此氣亂頭癩等經文於癩癰篇首使人知疾有所歸而治有所據也

玉機微義曰按內經言癩而不言癰古方以癩癰或併言或言風癩或言風癩或言癩狂所指不一蓋癰病歸于五臟癩病屬之於心故今以風癩另立一門而癩狂合爲一門也

生生子曰按此以風癩另立一門明其不與癩狂相類則是之矣而云癩狂合爲一門今終集考之並無癩狂門目豈未之補歟

孫兆治相國寺僧充忽患癩疾半年名醫皆不効召孫療之孫曰但有穢物儘與食之但待云渴可來取藥今夜睡着明日便愈也至夜僧果渴孫乃與酒一角調藥一服與之有頃再索酒與之半角其僧遂睡兩晝夜乃覺人事如故僧謝之問其治法曰衆人能安神矣而不能使神昏得睡此乃靈苑方中硃砂酸棗仁乳香散也人不能用耳

辰砂散 治風痰諸癰狂言妄走精神恍惚思慮迷亂乍歌乍哭飲食失常疾發仆地吐沫戴目魂魄不守醫藥無驗 辰砂光明有牆壁者二兩酸棗仁微炒半兩乳香半兩

各爲末右量患人能飲酒幾何先令恣飲但勿令吐至靜室中以前藥都作一帖溫酒調下作一盞調之令頓飲如飲酒素少者但隨量取醉服藥訖

便安置床枕令臥病淺者半日至一日病深者二三日令家人伺之鼻息勻調但勿喚覺亦不可驚觸使覺須待其自醒則神魄定矣萬一驚寤不可復治正蕭吳公少時心病服此一劑五日方寤遂瘥經云悲哀動中則傷魂魂傷則狂妄不精不精則不正此悲哀傷魂而狂當用溫藥補魂之陽仲景方以地黃湯本事驚氣丸之類卽是也經云喜樂無極則傷魄魄傷則狂狂者意不存人此喜樂傷魄而狂當用涼藥補魄之陰辰砂鬱金白礬之類是也

濟世方

治失心

鬱金七兩須四川蟬肚者乃真明礬三兩

爲末薄糊爲丸桐子大

每六十丸湯水任下昔有婦人癲狂數年不愈後遇至人授此方初服覺心胸中有物脫去神氣洒然再服頓甦至人云此病憂驚得之痰裏心竅此藥能去鬱痰

明狂症

靈樞癲狂篇曰狂之始生也先自悲也喜忘善怒善恐得之憂飢及狂之發少臥不飢自高賢也自執智也自貴倨也善罵詈日夜不休狂言驚善笑好歌樂妄行不休者得之大恐目妄見耳妄聞善呼多食善見鬼神善笑而不發于外者得之有所大喜

林億公曰狂爲痰火盛實癲爲心血不足狂病宜大吐下生生子曰據此言心血不足者乃醫治功尅太過以致中氣餒弱而神志不定非癲

病一起初便有此不足症也

丹溪曰神不守舍狂言妄作經年不愈如心經蓄熱當清心除熱如痰逆心竅當去痰寧心大率多因痰結於心胸間治當鎮心神開痰結亦有中邪而成此疾者大概是熱又曰狂病宜大吐下則除之

素問云陽厥強怒飲以鐵落狂怒出于肝肝屬木鐵落金也以金制木之意予曾用數次果效考本草能治鬼打鬼注安心神治驚邪主癰癩鎮心熱狂正除胸膈中熱氣痰涎

病能篇帝曰有病狂怒者此病安生岐伯曰生于陽也帝曰陽何以使人狂岐伯曰陽氣者因暴折而難決故善怒也病名曰陽厥曰何以知之曰陽明者常動巨少陽不動不動而動大疾此其候也曰治之奈何曰奪其食即已夫食入於陰長氣于陽故奪其食即已使之服以生鐵落為飲生鐵落者下氣疾也

夫狂之為病少臥少臥則衛獨行陽不行陰故陽盛陰虛令昏其神得睡則衛得入於陰而陰得衛填則不虛陽無衛助不盛故陰陽均平而愈矣

王海藏治許氏病陽厥狂怒罵詈親疎或哭或歌六脉舉按無力身表如冰石發則叫呼聲高內經云奪其食即已因不與之食乃以大承氣湯下之得臟腑穢穢數升狂稍寧數日復發下如此五七次行大便數斗疾瘥身溫脉生良愈此內經奪食法也

保命當歸承氣湯 當歸 大黃各一兩 芒硝七錢 甘草五錢 右每二兩水一大碗姜五片棗十枚煎至一半溫服若陽狂奔走罵詈不知親疎此陽有餘陰

不足大黃芒硝去胃中實熱當歸補血益陰甘草緩中加姜棗者胃屬土此引入胃也經所謂微者逆之甚者從之此之謂也以大利爲度微緩以瓜蒂散入防風末藜蘆末吐之其病立安後用調心散洗心散涼膈散解毒湯等調之安

明癰症

生生子曰癰痰火所致前人有稱爲風癰者劉河間謂由熱甚而風燥爲其兼化涎溢胸膈而痰凝昏冒僵仆也

東垣曰病癰者涎沫出于口冷汗出于身清涕出于鼻皆陽蹻陰蹻督衝四脉之邪上行腎不任煎熬沸騰上行爲之也此奇邪爲病不係五行陰陽十二經所拘當從督衝二蹻四穴奇邪之法治之

癰症亦從衝任督三脉氣逆而發者當尋此三脉治之○督脉尋長強擗骨間灸之○任脉尋氣海陰交衝脉附足少陰脉上行去中行各五分陰交穴乃任脉陰衝之會

潔古曰晝發灸陽蹻夜發灸陰蹻各二七壯陽蹻起於跟中循外踝上行入風池申脉穴也陰蹻亦起于跟中循內踝上行至咽喉交貫衝脉照海穴也

劉宗厚曰癰與瘰略相類而實不同其病發身軟時醒者謂之癰身強直反張如弓不時醒者謂之瘰癰病隨其痰之潮作故有時而醒瘰病比癰爲甚而有挾虛者故因其昏冒而遂致亡者多矣

綱目曰癰癰即頭眩痰溢膈間則眩微不仆痰溢膈上則眩甚仆倒于地而不知人名之曰癰非徐嗣伯云大人曰癰小兒曰癰其實一疾也然與中風中寒中暑尸厥等仆倒不同凡癰癰仆時口中作聲將省時吐涎沫省後又復發時作時止而不休息中風中寒中暑尸厥之類則仆時無聲省時無涎沫後不復發間有發者亦非如癰癰常發狀也

千金方云病先身熱掣瘲驚啼叫喚而後發癰脉浮者爲陽癰病在六腑外在肌膚猶易治也病先身冷不驚掣不啼呼而病發時脉沉者爲陰癰病在五臟內在骨髓爲難治也劉宗厚謂此論癰之陰陽後世有認爲寒熱者悞也蓋此疾皆以痰熱所作而得在表而淺爲陽故云易治入裏而深爲陰故曰難治乃表裏淺深之謂非寒熱之謂也

張子和曰夫癰病不至目瞪如愚者用三聖散投之更用火盆于煖室中令汗吐下三法並行次服通聖散百餘日則愈矣至于目瞪愚者不可治內經曰神不守謂神亂也大凡此疾乃肝經有熱吐後可服瀉青丸下之劉宗厚謂多由風痰膠固胸膈上下故大法先宜吐之吐後可用清熱之藥如東垣安神丸守眞龍會丸之類皆可服不獨通聖散也痰實在裏不解宜導痰清熱亦不獨瀉青丸也

劉宗厚曰按癰病古方或云風或云驚癰或云癰癰由此疾與中風癰狂急慢驚相類故命名不同也原其所由或在母腹中受驚或因聞大驚而得蓋小兒神氣尙弱驚則神不守舍舍空則痰涎歸之或飲食失節脾胃有傷積爲痰飲以致痰迷

心竅而作者治法必當尋火尋痰而論前人多用鎮墜清心之藥固可以治熱可以清痰若有頑痰膠固者此藥未易驅逐在上者必先用吐吐後方宜服此更有痰實在裏者亦須下之隨病輕重而用也或曰癰有陰陽何也予曰此與急慢驚者可同論也陽癰不因吐下由其有痰有熱客于心胸之間因聞大驚而作若盛熱雖不聞驚亦自作也宜用寒藥以攻治之陰癰亦本于痰熱所作醫以寒涼攻下太過損傷脾胃變而成陰宜用溫平補胃燥痰之藥治之若曰不因壞症而有陰陽之分則是指痰熱所客表裏臟腑淺深而言癰病豈本自有陰寒者哉

丹溪曰癰屬驚與痰不必分五等大率行痰爲主黃芩黃連瓜蒌半夏南星隨痰火多少治之無有不愈有熱以涼藥清其心此症必用吐吐後用平肝之藥青代柴胡川芎之類

素問大奇論篇云心脉滿大癰癭筋攣肝脉小急癰癭筋攣

凡灸癰必須先下之乃可灸不然則氣不通能殺人針則不拘 鳩尾穴必高手乃可下針但宜灸亦不可多壯壯多則令人健忘

心癰面赤心下熱短氣喘息灸巨缺三壯

肝癰面青反視手足搖動灸丘墟三壯

脾癰面黃腹大善利胃腕并腕傍一寸各三壯衝陽隱白

肺癰面白口吐沫灸肺俞少商少陽各三壯

腎癰面黑正直視身不搖如尸厥金戶少海至陰湧泉各三壯刺一分

治癰之劑始治多用攻痰法繼以養心壯神補劑收功

礬丹丸 治五癰五癰無拘陰陽冷熱 礬丹 晉礬各一兩 右用磚鑿一窠可

容二兩許先安丹在下次安礬在上以炭五斤煨令炭盡取出研細以不經水猪心血爲丸如菉豆大每服十丸至二十丸橘皮湯下

元戎二白丸 治癰與癰 白礬一兩以濕麵包蒸熟去麵入輕粉三五分量虛實加減丸如桐子大每服二三十丸生姜湯下小兒丸小些

鴟頭丸 皂角五條酥炙鴟頭一枚燒存性礬丹五錢研細 右末糯米糊爲丸菉豆大每

服十五丸加至二十丸米飲下

神應丸 治風癰久服其痰隨糞而下 生明礬一兩 臘茶五錢 右末蜜丸桐子

大每服三十丸臈茶下

乳硃丹 乳香 硃砂飛 右用乳香熔化拌和硃砂丸如龍眼大每服一丸以側

柏葉浸酒磨化溫服

天冬散 治風癰脇痛耳鳴吐逆 天門冬去心皮 乾爲末酒調下二錢

寶鑑龍腦安神丸 治男婦五種癰癰無問遠近發作無時 地骨皮 麥門冬

桑白皮 甘草 人參各二兩 茯神三兩 馬牙硝二錢 射香 冰片各三錢

牛黃五錢 烏犀一兩 硃砂二錢 金箔大者五帖 右細末煉蜜丸彈子大金箔爲

衣如風癰病冬月溫水化下夏月涼水化下不拘時二三歲者日進二服小

兒一丸分作二服 虛勞發熱咳嗽新汲水化下

茯苓丸 常服治心疾良驗 人參 石菖蒲 遠志 茯神 茯苓 辰砂飛

南星 半夏麴 真鐵粉各等分 右末姜汁打糊丸桐子大另用辰砂爲衣

每服十丸加至三十丸夜臥姜汁下

養心湯 治心虛血少驚惕癲痴 黃耆炙 茯苓 茯神 半夏 川歸 川芎各

五錢 酸棗仁 栢子仁 五味子 人參 遠志 桂心各二錢半甘草炙四錢

加姜棗水煎服加赤茯苓檳榔治停水怔忡

星黃湯 治心風及邪祟 南星 大黃 等分水煎服 吐痰

葦珠丸 治心恙及邪祟 猪心血 硃砂一兩 乾青葢花一匙 先將猪心血同

葢花研勻入珠砂末和丸桐子大每二十丸茶酒任下 甚者不過三服

治癲癇經驗方一宗四方先服此一劑伐邪 竹茹一錢 半夏麴八分 枳實 橘紅

甘草炙各五分山梔炒黑一錢半玄明粉 燈草各三分 加姜棗水煎服

第二次服方可服三劑又服前方一劑又再服此方三劑 人參一錢半 黃芪五分

歸身一錢 百合二錢半 酸棗仁生三分 熟酸棗仁四分 貝母 小草各一錢

麥門冬五分 白芍藥吳茱萸炒過八分 甘草梢三分 茯神 酒紅花各二分

姜三片 棗二枚 水煎服

第三方服前二方半月 神氣稍完繼服此藥 紫河車一具洗淨砂鍋煮爛入鹽

少許與服後半月勿服藥覺少減又服前方一劑第二方三劑又再服下項丸藥

仍將前二藥間服

丸藥方

牛膽南星八錢 眞牛黃四錢

辰砂三錢 眞射香三分

煮甘草膏爲丸茨

實大金箔爲衣薄荷湯下五丸

清神湯

治痰迷包絡心熱癲痴

茯神

黃連各二錢

酸棗仁炒

石菖蒲

栢子仁肉

遠志各一錢

甘草五分

水煎服

痰盛者加南星半夏橘紅瓜蒌竹瀝姜汁

海藏治癲癇狂邪不欲眠自賢自智妄行不休此方能安五臟下心氣

白雄雞一隻煮熟五味調和作羹粥食之

仲景防己地黃湯

治病如狂狀妄行獨語不休無寒熱其脉浮

防己一錢

防風各三錢

甘草二錢

右以酒一杯漬一宿絞取汁生地黃二斤蒸之如斗

米飯久以銅器盛其汁更絞地黃汁和勻分二服效

一醉膏

治心恙 無灰酒二碗香油四兩和勻用楊柳枝二十條逐條攪一二百

下候香油與酒相入成膏煎至八分灌之熟睡則醒時或吐下即安矣

治狂之劑

瀉心湯

治心受積熱譫語發狂踰牆上屋

大黃

黃芩

黃連

每四錢水煎

服瀉數行然後用安神藥調理

苦參丸

治狂發無時披髮大叫殺人不避水火苦參爲末蜜丸梧子大每服十五

丸薄荷湯下

調胃承氣湯

治狂方在火熱門

大承氣湯 治陽明大實燥狂 方在傷寒門

抱膽丸 治癲狂不定非輕劑所能愈者 水銀二兩 黑鉛一兩半 辰砂 乳香各

一兩

右將鉛入銚內熔化離火略冷入水銀攪硬研碎入辰砂乳香乘熱用

柳木槌搗勻丸如芡實大每服一丸燈心湯下病者得睡切莫驚動覺來即

安再進一丸又方以猪心血爲丸井水吞下用治狂言妄語

牛黃瀉心湯 治心經邪熱狂言妄語心神不安 牛黃 冰片 硃砂各一錢半

大黃生一兩

右末每服三錢生薑蜜水調下

六神散 治發狂此二方皆禁方 寒水石 黃連 童便炒各一兩 丹皮三錢 青礞石煨過

龍胆草各五錢

冰片二分

右末童便調下

鎮心丹 治驚悸自汗心煩短氣喜怒悲惡不自知忘魂失魄狀若神靈所憑及男

子遺泄女子帶下

辰砂飛白礬枯

右末水丸雞豆大每一丸人參湯下

婦人熱入血室發狂不認人以保命集牛黃膏妙 牛黃二錢半 硃砂 鬱金

丹皮各三錢

甘草

冰片各一錢

右末煉蜜丸棗子大新汲水化下

本事方寧志膏

治狂不睡

人參

酸棗仁各一兩

辰砂五錢

乳香二錢半

右

末煉蜜丸彈子大每服一丸薄荷湯化下

予族弟緣兵火失心與此方服二十九丸良愈親舊多傳去服之皆驗

治癰之劑

碧霞丹 治五種癰疾時作擗掣痰涎壅塞牙關緊急心神迷悶目睛上視

石碌研九度飛一兩 附子尖七枚 烏頭尖七枚 蝎梢七枚 右末麵糊丸茨實大用薄荷湯化下一丸更以酒半合溫服之須臾吐出痰涎然後隨症治之口噤者斡開灌之

仲景風引湯 除熱治癰癰又治大人風引少小驚癰癰瘰癧日數十發醫所不療又

治脚風 大黃 龍骨 乾羌各四兩 桂枝三兩 甘草 牡蠣各二兩 寒水石

赤石脂 白石脂 滑石 石膏 紫石英各六兩 右粗末以韋囊盛之取三

指撮井花水三升煮三沸溫服一升 治風熱癰瘰癧食後量多少呷之無不效不用渣

犀角丸 治風癰癰發作有時揚手擲足口吐痰涎不省人事暗倒屈伸 犀角末

五錢 赤石脂三兩 朴硝二兩 白姜蚕一兩 薄荷葉一兩 右末麵糊丸梧子大每

服二十丸至三十丸溫水下日三服不拘時如覺痰多即減數忌油膩燂炙

楊氏家藏五癰丸 治癰癰不問新久並宜服之 南星泡烏蛇肉酒浸一宿去皮骨焙

乾白礬各二兩 辰砂二錢半 全蝎二錢去尾炒半夏酒洗焙二兩 雄黃一錢半 蜈蚣

半條去頭足炙 姜蚕炒兩半 白附子炮半兩 射香三錢 皂角四兩 右先將皂角

搗碎水半升揉汁與白礬同熬乾爲末入各藥末以姜汁打麵糊丸桐子大

每服三十丸姜湯下

丹溪金凡丸 治諸癰 明礬 鬱金 防風 牙皂角各二兩 川芎三兩 蜈蚣一條

右末蒸餅糊丸梧子大空心茶下十五丸一日除根

錢氏五色丸 治五癰 辰砂五錢 水銀二錢半 雄黃飛 珍珠一兩 鉛三兩同水銀結砂子

此方可用

實證有數千金龍胆湯

右末蜜丸麻子大每四五丸金銀薄荷湯下

三因六珍丹 治風癰失性顛倒欲死或作五畜等聲掣縱吐沫久而方甦 丹砂

五錢 水銀一兩半 鉛二兩與水銀結砂子雄黃 雌黃 珍珠各一兩 右細末煉

蜜丸梧子大每服三五丸羌棗湯下丸此藥須要搗二三萬杵不然難丸

嚴氏控涎丸 治諸癰久不愈頑涎聚散無時 生川烏 半夏 姜蚕 不炒以生姜

自然汗浸一夕各五錢 全蝎去尾七枚鐵粉三錢 甘遂二錢半 右生羌自然汁打薄

糊為丸棗豆大硃砂為衣每服十五丸食後羌湯下忌甘草此下痰劑也

治嬰兒血脉盛實四肢驚掣發熱并諸驚癰 龍胆草 鈎藤

柴胡 黃芩 桂枝 芍藥 茯苓 甘草各六錢 螳螂一枚大黃一兩 右

水一升煮取五合服之

本事人參散 治諸癰并慢脾風神昏痰盛 人參五錢 南星一兩切片以生姜汁並漿

水浸煮過性晒乾為末 右每服一錢羌三片水煎服加冬瓜仁少許

斷癰丹 治因驚成癰者 黃芩 鈎藤 細辛 半夏 南星 菖蒲各三錢

蟬蛻 甘草 桂心 遠志 防風 露蜂房各二錢 杏仁一錢半 煉蜜丸棗

豆大硃砂麝少許為衣每服二十丸棗湯下日二服夜一服

甘遂丸 甘遂不蛀者三錢為細末將猪心剖開入甘遂以線縛定用紙裏數層慢

火煨熟不可令焦取甘遂乘潤入辰砂末一錢搗勻作四丸每服一丸猪心煮湯

下

蛇黃丸 蛇黃小者二十枚以猪胆汁拌勻入火煨通紅取出地上出火毒研極細

右用狗胆一枚取汁和粟米飯丸藁豆大每服十五丸溫酒下吐涎乃效

蛇黃丹 治諸癰及小兒急驚風 蛇黃四枚磁盞內煨紅以猪胆汁一碗淬乾 白附子

南星 辰砂另研 麝香各五錢 右末糯米糊丸桐子大每服量大小或一二

丸或三五丸溫酒米湯任下

當歸龍胆丸 治腎水陰虛風熱蘊積時發驚悸癰瘡 即龍會丸 方在脇痛門

補胃燥痰丸 治陰癰服涼藥太過損傷脾胃 白朮二錢 蒼朮 陳皮 半夏

南星 茯苓各一錢半 木香一錢 藿香七分 甘草四分 甚者加附子五分 姜五

片水煎服

實鑑沉香天麻丸 治一小兒四歲因長老摩頂受記生人念咒恐懼發搐痰涎有

聲目多白睛強項背一時許方醒後每見皂衣人即發多服犀硃腦射鎮墜之藥

已四年餘無功又添行步動作神思如痴脉沉弦而急針經云心脈滿大癰瘰筋

攣病久氣弱多服鎮墜寒涼之劑復損正氣故添動作如痴先灸兩躡各二十七壯

次服此藥 又肝脈小急蓋小兒神氣尙弱因而被驚神思無依又動于肝肝主

筋故癰瘰筋攣 沉香 益智 川烏各二錢 天麻 防風 半夏 附子泡各

三錢 羌活五錢 甘草 當歸 姜蚕各一錢半獨活四錢 經云恐則氣下精氣

怯而上焦閉以羌活獨活苦溫引氣上行又入太陽爲引用以爲君天麻防風

辛溫以散之當歸甘草辛甘溫以補氣血之不足養胃氣以爲臣附子川烏益

智大辛溫行陽退陰又治客寒傷胃腎主五液入脾爲涎以生姜半夏燥濕化痰沉香辛溫體重氣清去怯安神故以爲使 每服五錢生姜三片水煎去渣

溫服食前三劑愈

劉宗厚曰按癰症本從熱治然亦有壞症而成陰者如錢仲陽所治王氏子吐瀉諸醫藥下之至虛變慢驚手足癱縱而身冷醫復與八正散錢氏曰不能食而胃中虛若利大小便即死久則脾腎俱虛當身冷而閉目必用益黃散史君子丸補脾遂能飲食後又不語錢氏以地黃丸補腎一月而安皆此意也此方用大熱之藥乃從權以救前治之失非常治之道也

蜜佗僧 治暗風癰癩以開痰迷心竅 蜜佗僧成塊者纏以鐵線又用鐵線掛火

中煨紅用酒醋一升淬盡出火毒爲極細末每服一錢射香湯調下

許學士驚氣丸 發則牙關緊急涎潮昏塞醒則精神若痴 附子 木香 姜蚕

白花蛇 橘紅 天麻 麻黃 乾蝎 天南星 姜汁浸一夜各五錢蘇子一兩

硃砂二錢半爲衣 右爲末加冰射少許煉蜜丸如龍眼大每服一丸金銀薄荷

湯化下溫酒亦可此予家祕方也一軍人犯法臨刑得釋縛精神頓失如痴與一丸服訖而寐及覺病已失矣一婦因避盜失心數年授此方不終劑而愈又一婦狂厥者十年諸治不驗予授此方去附子加鐵落亦不終劑而愈鐵粉非但化痰鎮心至如摧抑肝邪特異若多恚怒肝邪大盛鐵粉能制伏之此金制木之意也